

Ленинэнь киява

ВЛКСМ-нь Мордовской обкомонтэ ды Саранскэнь ошонь комитетэнь газетаст

ОКТАБРЯНЬ

17 чи.

1937 ия

№ 119 1798

ЛКСИ

7-це ия
чинь ютазь

ПОДНЕВОЛЬНОЙ ЭРЯМОСЬ УЛЬНЕСЬ КАТОРГАДО БЕРЯНЬ

Курок минек Ине родинань весе трудиятне кармигь праздновамо Октябрьской Социалистической Ине Революциянь XX-це годовщианть.

20 иет! Кодамо сютавокс, мазыкс, а изнявицкс теизе тешканть перть минек родинанть коммунистической партиясь, кодамо кенярксов, уцяскав, мазый эрямо макссть тенек Октябрьской ине революциясь ды народонь ине вожднэ Ленин ды Сталин!

Россиясь икелеяк, инязоронть пингстэяк ульнесь сюпав ды келей. Но масторонть весе те сюпав-чись ульнесь верень потиця инязоронть ды сонзэ свитанть кедьсэ, эрва кодат Скопинтинь, Простаковтинь, Тит Титычтинь, Артамоновтинь, Булычевтинь, Достигаевтинь, Тучковтинь, Голицынтинь, Морозовтинь, Рябушинскойтинь ды ламо лия туня-дещтинь ды паразитинь кедьсэ. Весе неть виртнесэ, модатнесэ, фабрикатнесэ ды заводтнесэ пингедэ-пингес потясть сынть трудиятнень верест, сюталгалесть трудиятнень ливезев роботаост, каторжной эрямоост. Неть ды эрва кодат лият паразитинь кедьсэ ульнесь весе эрямоось, культурной ды материальной весе сюпав-чись.

Масторось пестэ-пес, келедекелес кувсесь неть тунядещтинь лепштямост ало. Масторось ульнесь шлязь трудиятнень сельведьсэ неть пулгодькстнень лепштямодост ды эрва кода парьгамодост.

Ды, вама, ней, зярдэ сюдозь се эрямоось а карми уш улеме зярдояк минек масторсо, зярдэ сон тусь вечность, — се ютазенть стакасто евтнень минек тетянок-аванок, минек покш братонок ды патянок, конатне ютызь весе се эрямонь сней-чинть, конатне эсир лавтовост лангсо кандызь весе лишениятнень.

Газетань те номерсэнь минь эсинек ловныцятнень, од поколениянтень аргитяно евтнемс сень, кодамо стака эрямоось эрять икеле трудия ломантне, кода стакасто сынть ютавтызь эсир од шкаст.

Эсинэз икелень стака ды сюдозь эрямодонть евтни Цибусов колхознике, кона 48 иеть кунцесь олгинес прок ванця, штобу а куломс вачо-чиде, штобу эрямс куш эщэ зярскак.

Вана котонинной фабрикань стахановкась, подмастерь Селиванова ялгась евтни, кода верень потиця попось кодамо бути галань кис сонзэ верьс чавовтызе локшосо.

Нама, весе те, сельведень пачк весе неть евтниматне од поколениянтень кармигь неявомо диковинкакс, но те ульнесь седикелень Россиясо ды ули нейгак капиталистической мастортнесэ.

Чистэ-чис кайсь трудовой народонть ненавистезь, кежезэ сынст угнетательтнень лангс. Чистэ-чис кирвайкшность Россиянт келес забастовкат, стачкат.

Октябрьской Ине революциясь тапинезе весе неть капиталистнень, помещиктнень, кулактнень ды эрва кодат лия паразитнень. Сюдозь, каторжной весе те эрямонть Октябрьской революциясь путсь пе. Пролетарской диктатурась ликвидировинзе эксплуататорской весе кластнень, штобу максомс покш возможность цветимс, эрямс зажиточностэ ды культурнойстэ минек родинань ламо миллионной ды ламо национальной народнэнь.

Большевистской партиясь, народнэнь вичкевикс вожденть Сталин ялганть руководстванзо коряс теизе минек родинанть овси а содавиксэкс, пек виевкс, пек сюпавокс. Тосо, косо икеле ульнесь кабакт, церкват — тозой ней кассть покш ды ламо школат, клуб, читальня, рабочеень городокт. Тосо, косо икеле крестьяниньс валсь ливез помещикенть лангс, ней колхозной паксятнесэ роботыть ламо ды пек виев тракторт, комбайнат. Бути икеле трудиятнень арасельть праваст, ней ули сынст праваст оймсема, работамо ды тонавтнема лангс. Неть праватне сырнень буквасо сермадозь Сталинской Конституциясонть, конаньсэ невтезь минек родинанть, трудиятнень весе изняксоост ды конань знамя ало минь молядно од изнякстнэс.

20 иет! Те шканть перть минек масторсо кайсь 20 иесэ од ломанень цела поколения, конатне, кода минек масторонь весе трудиятнеяк, декабрьн 12 це чистэ молигь избирательной урианть ваксс, штобу кочкамс СССР-нь Верховной Совет.

Неть од ломантне эсть нексше помещикт, капиталистт ды эрва кодат лия тунядещт. Ды седе, кодамо икеле ульнесь эрямоось, помещиктнень ды капиталистнень нарьгамодо, од ломантнень икелень стака, безотрадной эрямодонть, сынть содыть ансяк евтниматнень, картинкатнень ды книгатнень коряс, тетяст-аваст валсто.

Ды секскак од ломантнень мерляно: Зярдояк а эряви стувнемс ютазенть СССР-нть башка эщэ весе мирсэнь эрять Шпюрмертнэ ды Тучковтнэ, Рябушинскойтне ды Морозовтнэ — германскойтне, японскойтне, итальянскойтне ды лият. Сынь истя жо, кода икеле Россиясо, наргить миллионт трудиятнень лангсо, сын истя жо потить трудиятнень верест.

Зярдояк а эряви стувнемс ютазенть! Троцкистско-бухаринской ды буржуазно-националистической сволочесь ды падалесь арсесть максомс минек родинанть фашистской палачтнень кабалас, арсесть нельгемс минек кедьстэ кенярксов, уцяскав эрямонть, арсесть минек масторонть теимс истямокс жо, кодамо сон ульнесь 20 иеде икеле.

Кадык жо палы минек седейтнесэ зярдояк а мадия ненавистесь подлой неть гадинатнень, сюдозь капиталистической мирэнтень, сюдозь ютазь эрямонть, кона зярдояк уш а карми улеме минек родинасо. Седикелень каторжной эрямоось манек социалистической родинасонть полавтозь уцяскав, кенярдомань, зажиточной эрямоось.



СНИМКАСОНТЬ: ИЗОГИЗ-энь плакат, кона нолдазь Пролетарской Ине революциянь 20-це годовщиантень.

СОЮЗФОТО.

СТАХАНОВЕЦТНЭНЬ КАЗНЕСТ

Сентябрьн 13 це чистэ Саранскоень маслозаводонь рабочейтне ды служащейтне эсир митингсэ вейке мельсэ, покш кеняркс мартошнызь ды приветствовали СССР-нь ЦИК-нь постановлениянь СССР-нь Верховной Советс кочкамотнень чиденть.

Заводонь стахановецтне ды ударниктне эсир вытуплениясоот сайсть зяряя обязательстват анокстамс производственной подаркат декабрьн 12 чинть самс.

Истя, стахановецэс Комратов ялгась мерсь, што сонзэ бригада о 4-це кварталонь планонть толавтсызь декабрьн 12-це чис. Сон тердсь вадрясто тонавтнемс кочкамонь законоть, а нолдамс советс вейкеяк чуждой элемент.

Жаровщик-бригадирэс Цыганов ялгась эсинэ бригаданзо яволивтызе стахановскойкс, производ-

венной планонть толавтсызь декабрьн 12-це чис. Сон мерсь, што жаровщиктнень бригадасэ жмыхенть масленичностензэ алкалгавтсы 7 процентс, оень емавтнеманть киртысь 3 процентс.

Стахановецэс-машинистэс Юнев ялгась весе рабочейтнень тердсь декабрьн 12-це чинть вастомс истямо показател марто, штобу эрвасэ неевлизе минек роботанок, минек покш казненек.

Пихлер, Лебедев ды Ромашев ялгатне тешкстась, што кочкамонь чинть самс эсть кадово кавто ковткак, секскак эряви, штобу парсте тонавтнемс кочкамонь законоть, содамс эсинек обязанностнень кочкамонь шкастонть ды СССР-нь Верховной Советс кочкамс партиянтень, правительстванть сехте преданной ломанть.

А. Март.

„Сарлегпромстроень“ рабочейтнень митингень резолюциясто

ССР-нь Союзонь Верховной Советс кочкамотнень чинть назначамодо сообщенианть кунцолозь, „Сарлегпромстроень“ рабочейтнень, служащейтнень ды инженерно-технической работниктнень вейсэнь промксось покш мельсэ васты ды приветствует СССР-нь Центральной Исполнительной Комитетэнь постановлениянзо, конаньсэ евтась кочкамотнень чись.

Сень мельсэ кирлезь, што троцкистско-бухаринской нечистесь, буржуазной националистэ, церковниктнэ ды лия врагтнэ кармигь снартнеме теимс влияния удалов кадовикс кой-кона кочкиятнень лангс, — минь эсинек икелев аравтанэ задача седе сэрейстэ кепедемс большевистской бдительностень, маштомс вражеской вылазкатнень, пощадавтомо лангс таргсемс ды тапамс народонь врагтнень. Советс а нолдатоно аволь

благонадежной вейкеяк ломань, кочкасынек минек родинанть достойной ломантнень, конат преданнойт большевистской партиянтень.

Минь вооруженнойдыно Сталинской документсэнь — Конституциясонть. Минь макстано вал седеяк покшолгавтомс минек производственной активностень, октябрьковонть яволятсынек стахановскойкс. Октябрьской революциянь 20-це годовщианть самс топавтсынек строительной планонть, трудонь производительностень кастасынек сентябрю ковонть коряс кавксть седе покшсто. Тейсынек сень, штобу минек строительствась улевель безубыточной.

Митингень президиумось.

Робочейтне ды нрестьянтнэ евтннть икелень стака эрямодонтъ

Стака лецнемс ютазdentъ

Елизавета Гавриловна Селиванова ялганть котонинной фабрика-сонть содасызь весе робочейтне. Сонзэ содасызь прок стахановкавть, общественной роботасо активной роботницанть. Партийной организациясонть сон, ВКП(б)-нь членсь, ловови алак сизе роботникекс. Приготовительной цехень робочейтне ды роботницатне, Селивановань, подмастерэнтъ, ловить вадря ялгакс ды толковой роботникакс. Сон ламо роботы, вечксы роботанть, неень кенярксов, культурной ды уцяскав эрямонть.

Ютазь эрямодонзо жо евтнн а мельсэ:

— Стака монень ней лецнемс ютазdentъ, ней, зярдэ мон, куш сырянгак, но теевинь одокс, ней, зярдэ эрямом пешке кенярдомадо, — евтнн Елизавета Гавриловна.

— А повнясынъ тетян-авань. Сынь кулостъ сестэ, зярдэ монень ульнестъ ансяк колмо иеть. Эзинь сода, кода тетятне-аватне жалить эсист эйдест. Но тень таркас содан, кода икеле поптне, кулактне ды лия паразитнэ симсть эсист роботницатненъ верест, кода наргастъ лангсост.

7 иестэ карминь роботахшномонть вуглодкстнень лангс. Роботахшнынъ попонь кедезь, акцизной чиновникень кедезь, земской начальникень ды кулаковъ кедезь. Весе неть паразитнэ кшист ульнестъ сепейть, ведест ульнестъ саловт. Но сехте пек лангсом наргастъ пополь (Макаровкасо). Чинек-венеке, пельс вачо, кепе, пельс штапо эрямонть ды роботамонть кис пополь монень ладякшнось ковозонзо максомс 50 трешникт. Но неть гроштиньгак сон эзинзэ максекшнэ.

Эрямом ульнестъ скотинадожк берянь. Чавнокшностъ эйсэнь эрва чистэ. Повнян истамо случай: пополь кучимем галань ваномо, теде икеле венберть ваньнэ эйкакшост. Мама, удомам сакшнось пек, мон ведь аволь кшинь. Ну и матевинь. Мейле сыргозинь—галатне арась. Тень кис попонть мереманзо коряс монъ чавсть локшо-со, котмерестэнь мик верть тукшност. Теде мейле жо пекстымизь чаво, начко кардос ды кирсть эйсэнь вачодо. Пеняцям модемс ульнестъ а кинень ды кияк аволинзить кемейк, поппень сестэ ловсть „духовной тетякс“. Монъ лангсо те зверской поступканть мон а стувса зярдояк.

Ульнинъ Елизаветградсо, Херсоновской губернясо. Тосо мон неинь, кода инязоронть палатнэ тейнестъ „еврейской погром“. Эсинь сельме икеле машнестъ сыре аят, эйкакшт. Зяро верь сестэ сынъ валсты! Повняса, ваяясь ки лангсо евренъ эйкакш. Мон сонзэ арсинь саеманзо ды кекшеманзо терзаниядонть. Но те монень эзь тееве. Вейке держиморда тень кис эшкимем винтовканъ прикладсо.

Эсинзэ ве-е ютазентъ ледстнезь, Елизавета Гавриловна евтнестъ неень шкань эрямодонзожк.

— Ансяк Октябрьской Ине революциядонть мейле монъ улить весе возможностень эрямс вадрясто. Вадрясто эрямонть жо мон добо-ван эсинь честной, стахановской роботасон, конанть свидетелствак аштитъ вана неть грамотатне, — сон невтсь стенасо понгавтозь сулика эжксэ аштиця почетной кавто грамотатненъ лангс.

А. М.

Икелень сепей эрямодонтъ

Пек стакаль эрямозо инязоронъ самодержавиянтъ пингстэ Максим Агеевич Петровонъ. Семиязо сонзэ ульнестъ покш, цела керькс эйкакштнэ вишкинелть, роботыцясь ульнестъ ансяк сонсь, низэ чарыль кудо-ютконъ тевтнесэ ды вишка эйкакшкензэ ютксо.

Вестъ тунда ульнестъ истямотев. Максим Агеевичнэнь макссть 8 ломань 5 сажент мода.

Мезе теемс? Видьметъ арасельть. Ды аламось думазь, пугызе прызонзо каладо чапканзо, сизе кедезэнзэ палкинэнзэ ды тусь Сезьганов кулактонень видьме мельга. Кулакось сонзэ панизе, сонсь чавизе палкасо ды велень келес позоризе.

Модась аламошь, но эрявсь ко-даяк видемс. Максим Агеевич кар-мась кортнеме нинть марто седе, што скалось эряви миес. Кода ледтинзе неть валтнэнь, сеск весе

семиясь аварьгадсь. Истякак ме-зесткак арась ды ней скалоськак эрявсь миес. Лият а меств уль-нестъ теемс. Ней а мисак, сексия сыть волостьстэ ды яла теке сай-сызь подушноень кис.

Сельведь марто Максим атя сыргась базаров остатка ули-паронзо—скалонзо миес.

Ды эйкакштнэ кадовсть седеяк вачодо. Эсть кенере скалонть миес, ярмактнэнь нинзэ зепстэ са-лызь. Максим атя прась натой пильге лангсто.

Ансяк советской властесъ ды колхозной строесь вадрылгавтызь истят Максим-атятнень эрямост. Ней М. А. Петров—активной колхозник. Эри зажиточнойстэ. Улить 2 скалонзо, тувозо, пятистенной кудозо ды лият.

В. Бардин.

Кочкурованъ р.-н., Пакоя Тавла веле.

Барщинадонть

Парчайкин Андрей атанень то-подсть 85 иеть, сон повнясы 1861-це иень реформадонть ике-лень шканть. Ламо сон евтнекшни се шкань барщинадонть.

— Гузынца велень весе модась бояронъ кедезь, барской ломан-нень ульнестъ ансяк капста пи-рест. Велесэнтэ эрицятне, сюпав-неде башка, кемекстазельть боя-ронть модатненень. Сынь недлянь кувалмо роботыльть бояронть паксясо, ансяк недля-чива ды веть роботыльть эсист лангс. Боярось наргастъ эрва кода, пек чавнось ногайкасо боярось сонсь, ламо

барской ломанть се чавомадонть мейле кулсестъ. Уретнень сон по-лавтнесъ киска лангс, ламоксть барскойтнень налксекшнинзе кар-тасо лия боярнэнь.

Эряви меремс, се шкань эрямо-сонть крестьянтнэ ульнестъ доп-рок бесправнойть, сынъ весеме-ендо сюлмазельть барщинантень ды бояронть кедезь-алольть. Весе праватне бояронть кедезьельть, сонзэ мезе мелезэ—сень теильгак эсинзэ уретнень марто.

Баканов.

Покш Березникень район.



20 иеде икеле

„Аврорасто“ моряктнэнь десант. Шухини художникентъ картинасто (СССР-нь революциянь музей).

Кинь кедезь седикеле ульнестъ модатне

Инызоронъ Россиясонть моданть явшемадо официальной сехте под-робной даннойтне относятся 1905 иентень. Неть даннойтнень коряс, Европейской Россиянь весе 50 гу-бернянтнень ловозь весе моданъ фондось ульнестъ 395,2 миллионт десятинат. Яшевкшнестъ сынъ основной колмо группа нева:

I-це группась—час ной владени-ят—101,7 миллионт десятинат. II-це группась—надельной модат—138,8 миллионт десятинат. III-це груп-пась—казенной ды лия модат—154,7 миллионт десятинат.

Кинь кедезь ульнестъ частно-владельческой модатне?

101,7 миллионт десятинатнень эйстэ—15,8 миллионтнэ ульнестъ „обществатненъ ды товарищес-тватненъ“ кедезь. Весе лия 85,9 миллионт десятинатне ульнестъ личной собственностисэ, конатненъ ютксо:

дворянтнэнь кедезь ульнестъ 53,2 миллионт десятинат (61,9 проц.); духовной лицатненъ кедезь—300 тыщат десятинат (0,4 проц.); купецтнэнь ды „почетной граж-дантнэнь“ кедезь—12,9 миллионт десятинат (15 проц.); меицантнэнь кедезь—3,8 мил-лионт десятинат (4,4 проц.); крестьянтнэнь кедезь—13,2 мил-лионт десятинат (15,4 проц.); лия сословиянтнень кедезь—2,2 миллионт десятинат (2,5 проц.); омбо масторонъ подданнойт-ненъ кедезь—300 тыщат десятинат (0,4 проц.).

Васень дворянинекс ды сех покш помещикекс ульнестъ сонсь инязо-рось. Весе сехте вадрясь, мезе можна ульнестъ занямс Крымень чиретнева ды Кавказонъ черномор-ской побережьяванть, занякшнызь дворцовой ды удельной ведомст-ватне.

Церковатненъ ды монастыртнень кедезь ульнестъ 2,7 миллионт де-сятнэ модат.

Вана сех покш помещиктнэ-дво-рянтнэ: Бобринский графосъ (мо-дазо ульнестъ малав 60 тыщат де-сятнэ), С. М. Голицын (1 миллион деся-тинат Пермской губернясо, 40 ты-щат десятинат Вятской, 4,979 де-сятнэ—Московской губернясо, 13,590 десятинат — Ярославской, 7 397—Тульской, 1,026 десятинат—Тверской, 366 десятинат—Рязан-ской губернясо) ды лият.

Крестьянстванть положениязо ульнестъ пек стака социалистичес-кой ине революциянтъ самс. 1917 иень сельско-хозяйственной переписень даннойтнень коряс, ко-нанть ютавтызе Керенскоень бур-жуазной правительствасъ, Евро-пейской Россиянь 35 губернятнева сиведезь робочей марто крестьян-ской хозяйстватненъ ламокс-чись каснось 216 тыщас, овси скотинав-томо хозяйстватненъ ламокс-чись—1594 тыщас, робочей скотинав-томотнеде—3 343 тыщас,—скалто-мотнеде—2,472 тыщас, модавтомо-неде—980 тыщас, беспосевноатне-де—1,677 тыщат.

Моданъ арендэнтъ кис крестьян-тнэ пандтнестъ малав 289 милли-онт целковойть эрва несть.

Весе неть порядкатненень пе-путь Октябрьской социалисти-ческой ине революциясь.

Сталинской Конституциянь 8-це статьясонть сермадозь, што мо-дась, конань занимают колхозтнэ, сынест кемекстазь питневтеме ды бессрочной пользования, лиякс меремс пингеде-пингес.

Робочейтне ды крестьянтнэ евтнить икелень стака эрямодонтъ

УЛЬНЕСЬ СЕДИКЕЛЕ ПРОКЛЯТОЙ ЭРЯМО

Яков Герасимич Цибусовнэнь 68 иеть. Эйстэст ниленьгемень кавк-сотнень эринэ инязоронь само-державиянтъ пингстэ.

— Сельведень туить, знярдо мелезнь ледить ютазь стака чит-не,—корты Яков Герасимич.

— Да-а, церам, сидикелень эрямось стакадоак стакаль. Натой лецгнемстэнзэак скираты седееть. Тынь вана одтадо, уцяскавадо, эзь саво тенк пиштемс сидикелень стака пиштематнесэ.

— Стакаль мерят, Яков Герасимич,—пшкадинь мон. Варштась сельмезень, седеак кувакасто укта-зевсь ды мерсь: Да, стакаль. Ми-нек, крестьянтнэнь, моданок ала-моль, пильге путомс а козоль. Кершев варштат — помещикень, витев варштат монастырень, кувал-мат сезганонь вечной модатне. Тей-тер-аватнень лемс мола арасель, 50-шка семья велестэнек сокильть ансяк кавтонь-кавтонь сажень эр-ва паксястонть. Эрва семиясонть жо 10 ды 12 ярысят. Эривить трымс-кастамс. Мезьсь? Кши арась. Секс весе семиятнень савкшнось аштекшнемс вачо ды пельс вачо.

Бояртнэ, сюпавтне ды поптне нарьгасть лангсонок азаргадозь. Мезе мелест—сень теилть,—Яков Герасимич кармасть козомо. Тар-гизе зелстэнзэ кисетэнзэ, пештизе пижесэ мазылгавтнезь трубкано-ды мерсь: Эх, церам, а кенери-литъ сюрынеть пурнамо, эрявсь пандомс подушной, подать церко-вань строямс ды ламо лият. Пря череть валстылизь. Эрва иене скалт, реветь, тувот стадако па-нильть велестэнь волостной управ-ленияв ды яла недоимкань кис. Остатка оршамо целеть ды суско-мот саилизь.

— Кода ушодовсь японской войнась, ламо од ломанть нарасть велестэнь солдатокс. Понгивь монгак. Ним кадья вишка эйкакш

марто, ансяк 8 пондот суро лангс. Ризнын эрва кода, новольсть кедень-пильгень, теэмс ульнесь а мезе, лезкс костояк арасель.

Фронтсо сельмем нейсь эрва мезде. Ловсть эйсэнек скотинань таркас, офицертиэ свал солдатнэнь чавныльть прикладсо. Пшкадемс а кинень, пенецямс а ков, кабакс ды церьковав совамо до башка праваст солдатнэнь арасельть.

Фронтсто кудов сын калекакс, костыля лангсо.

— Велесэнь,—евтни седе тов,—койтне векельть. Мезеяк лангс эсть вано—сайсть подушной, сайсть скотина, нельгсть остатка кши сускомонть, оршамо-пелень. Ну-жась, вачо-чись лепштязь эрва ендо, долк поцто эзинь лисне.

Аволь ламо шка ютазь, ушо-довсь империалистической войнась. Нарызь солдатокс церам—Мишань, вачкодинь кавто кедень, керявсь рунго савом, майшсь ежом. А повняса, кода сонзэ ливтизь кудостонть. Ульнесь сестэ истят ломантькак, конат кенярдсть ми-нек сельведгненень. Симсть вина-до войнанть кис, стряпаякшность, тейнекшность брагат, пуреть, ве-селгалесть.

Се вестэнь якинъ пурнамо. Пурнын эсинеке велеванть, якинъ лия велеваяк. Те чис сардокс аш-ти седейсэнь, кодамо мельсь апа-ро сакшнимим, валсо а естави. Колмо чить семиям ульнесь вачо. Долкс кияк батман почт эзь мак-со. Роднясон-раскесэнь эрикст арасельть, пшкадемс ульнесь а кинень. Арсинь-теинь, ноготнэ кодаяк а лиснигь, вачо куломась, церам, мерить яла пек стака, сыр-гивь пурнамо. Югынъ пель поряд-ка, кияк кши сускомо эзь максо. Ужо, меринь, сован Федотынкань сивойнень, истямоль сонзэ проз-вишазо. Сын эрясть пек сюпа-всто, кирдильть ламо роботникъ,

ульнесь вечной модасткак. Эсь потмован эзинь кемне, што мак-сыть кши сускомо. Истя лисцькак.

Пильгень путозь совинь, монь-сень маштсь нардём, куш сайть ды прак кияксонтень. Столенть эх-шэ озадо сонсь кудонь азорось, прязо комавтозь, месь буги ар-си ды кайси четкасо. Эзинь ке-нере прятон шапканть саеме, сон кежейстэ пижакадъ:—тонь месь кандтлитязь? Вирень керямо молема, сон азгонди вальматнень алга. Кие тетмаксы анок кшинты! —Туинь масторонть алов, сельмем чополгадсть, окойники муевсь кенгш кувдамось.

Роботакшнынъ, церам, кши сус-комонь кискак недлян-недлян, ламо чувто сявординь, ламо ли-везь валынъ кизень опаня читнестэ, яла теке кутмордась эйсэнь ста-ка нужась.—Эх, церам, кодаяк тень а невтеви валсо, знярдо му-цямо, нарьгамо, коронь кирдема, мельсь апоро савсь кирдемс седи-келень проклятой эрямосонть.

Кортамонзо прядомсто Яков Герасимович варштась стенасо понгавтозь Сталин ялганть порт-ретэнзэ лангс, чамазонзо каявсь кенярдома, месь буги кортык-сэль, но аламось молюскашт. Ви-тизе рунгонзо, ютазь мекев васов од кияксонтъ ланга ды озась ме-кев. Кепедизе вить кедензэ Сталин ялганть портретэнть енов ды мери веселасто: Пасибя тетъ уцяскав эрямонь теиця, трудиця народ-тнэнь жалиця!

— Неень эрямосонть, монгак, церам, одкстоминь, колонгемень вайгель пенть ютаса—вайх а теян. —пейдезь верьга вайгельть кор-ты одкстомозь атась.—Эрва ко-дамо темень теестэ, одтнэнь эйс-тэ вакс а кадован.

В Водясов.

Пакоя Тавла, Кочкуревань район.

Эрямо, кона калечил ломантнень

(Саранскоень маслзаводонь робочейтнень евтнемат)

— 8 несэ кадовинь тетясто ды авасто,—евтни Саранскоень мас-лзаводонь робочеесь—канатчи-кесь П. М. Козлов ялгась.—Семия-нок ульнесь покш, одижанок ара-сель кодамояк, арасель ярамо-пе-леськак, седесть савкшнось якамс вальма алга кши сускомонь веще-ме.

Павел Матвеевич те заводсонть роботы уш 40-це ие, икеле уль-несь черноробочеекс, заработказо ульнесь ковозонзо 12—14 целко-войть. Малавгак а сатыль те зара-боткась натай кшис.

— Пек ламо нужна нейнь,—кор-ты Павел Матвеевич,—сексак-тень кувалт пек од шкasto емав-токшныя шумбра-чим. Сидикелень эрямось калечил ломантнень эйсэ.

Свешников ялгась евтни, што сонэнзэ савсь ютамс ламо профес-сият. Революциядо икеле заработ-казо эрсиль ковозонзо 18—20 цел-ковойшка. Ней сон получи кавто-сидт ды седе ламо. Свешников ял-гась весемезэ 44 иеть роботы про-мышленной предприятиява. Ялган-зо вопросонзо лангс, кона мерсь, мекс ней сон эри аволь пенсия лангсо, Свешников ялгась отве-чась: мон эшо эсь прям ловса од перакс, роботадо мейле меньгак стака-чи а марян, 8 част роботан, 16 оймсян, аволь кода икеле лад-со, зярд савкшнось 16 част ро-ботамс, кудов сылитъ—натой сель-метькак а нейльть, ежот маштыль, прылитъ летке олгонь тар-ка лангс ды сеске матедевелить.

Истямо жо сәпей ульнесь Лешов Алексеень эрямозык. Вишкине зарплата, сюпавонь лангс робота-мо, вачодо эрямо.

Н. Симдянов.

Эмиль ПЯТАИ

Бояронь паксясо

(ПОЭМАСТО СЯЕВКС)

Эряшкентъ кувалт
Мавыть таркане,
Пек сюдав виресь,
Сюпавт паксятне.
Куш ков варштазат,
Эрва мезе нейть—
Весе бояронь,
Весе сонзэ неть.
Кирдитъ весеметъ
Ламо кира савт...
Киткак а кунить
Дейстэнь ментокт-калт.
Лиси лисмасто
А сайнитъ симемс.
Кияк а яки
Вирев лекшень лангс.
Весе, месь касить—
Емсить, коскенить.
Кочкамо модемс
Ломантне пелить.
Кежей боярось,
Лесниктэ кискат,
Сын кундатадызь—
Сестэ мерть емат...
Модань собитнень
Кудост лондадозь,
Навсадть, макшиастъ,
Саворемс кадозь.
Кияк покш вирьстэнь
А уски чувтот.
Кияк а стявты
Паро, од кудот.
А ламот сюпавко
Эрясть велесэнь,
Сетьнеак погилить
Воднойтнень верентъ,
Коватнень арась
Кильдемс лишминест,
Ярсамс а сатни
Кшинест-сускомнест;

Пуворсть лавтовост,
Мендывсть каравост.
А козонь нолдамс
Натой саразост,
Моласт аламо
Сейк пакскесэ—
Вейкесэ вант тосо,
Омбоцесь тесэ.
Лисигь видеме—
А козонь видемс.
Молить нуеме—
А мезе нуемс,
Куш паксянь келес
Лымбаксильть сюрот.

.....

Градов бояронь
Паксянзо келейть,
Косояк арась
А келеть а петь...

.....

Сюлмить уретне¹⁾
Пултвань эсь айшкест.
Пултне налкумат,
Латокс сравозь прят.
Зярыя вачказь
Сәрей копанят.
Чи-паесь пида—

1) УРЕ—раб.

Натой опаня!
Керш ено перат,
Вить ево ават.
Эрвавань потмосо
Зяро сюдомат!
Пек аперьгалить,
Нуить а мельсэ.
Эйсэс капшавить
Кшнань локшонь вийсэ.
Эсист тевс кундамс
А сатокшны шкаст.
Валске сезнесызь
Тангей удомаст,
Зорядо зорас
Эритъ паксясо.
Салсо почодозь
Коске кши лангсо.
Арась копордамс
Ведне маласо.
Рувгинест вельтязь
Нула-валасо.
Ленге луткосто
Каладозь карест.
Пракетасг новолезь,
Котлязь левшт карьксест...
Мендывсть ломантне,
Вандолдыть тарвазт.
Вай, кода стака
Нуемс. Лепият!
Аволь таркасост
Весень седеест.
Куш вивев розесь—
Ансяк а емнест.

.....
Апак учо прят
Весе кепедизь,
Сизезь савдикстнэнь
Састо видемтизь
Покш кинть енов вансть—
Аволь васолдо
Колмо од ракшат²⁾
Ливильть нармунекс...
Горниповт жойвить
Мазый чирьктнесэ.
Боярось, нязэ
Тележкавть эйсэ.
Вана малав уш
Пачкодсть, тей пурдасть.
Тевтвань ваномо
Сынсь азортне састь.
Весе ломантне
Сюконясть сынест,
Седеак капшазь
Поладызь тевест.
Цитни парсейсэ
Азортне оршазь.
Якситъ. Эрватанть
Лепштитъ лангс варштазь.
Коя алгаяк
Неить пшти сельмест,
Эрва эскельксэсь
Азарстни кежест.
Эчке тешакось—
Бояронь авась
Лаки-солаты,
1) Ракша—кенк

Истя куялгадсь...
Эскедьди-чалги—
Сорны масторось.
Пшкади вайгельсэ—
Лоск теи коштось.
Вейкенень пижни—
„Эли косксть кедеты“
Омбоцень туртов—
„Нать матедевить!“
Мольс сон мазыйне,
Од тейтерне ваксэ,
Сельмензэ теткезь
Вансь темензэ лангс.
Сюлмазь покш пултнэ
Эсть туй сонзэ мельсэ
Ды ламо беавсть.
Мельганзо певерькст.
Тейтерентъ кельстэ
Пшти пей тарвазонть
Сон подкавтызо
Ды секе шкастонть
Ауддынэ эчкт,
Шочкошка кедтнень.
Пезнась тарвазось
Стирентъ рунгонть.
Однэ тейтерентъ
Ежинеэ маштсь,
Весе сәрсәнзэ
Икелензэ прась,
Мольс сонсь боярось—
Кучкордызе пеке,
Пижнесь. Лейтнень порсэ
Азарсь верьгнәкс...
Ломантне жо нуйсть,
Лавгстос ливезь повт
Кольгильть пиземекс,
Чудильть лисьма прясэ.
Чамаст каргоцкадть
А содавицк—
Шлязгак а шлявить,
А партивитыкак.

ПОЛЬ ВАЙЯН-КУТЮРЬЕ

Франциянь Коммунистической партиянь Центральной Комитетэнтень

Всесоюзной Коммунистической (большевиктнень) партиянь Центральной Комитетэсь выражает домка соболезнования Франциянь коммунистической движениянь выдающей деятельности эйстэ вейкенть, Франциясо народной фронтонь теветь кисэ, коммунизмань теветь кисэ активной борецэнтэ Поль Вайян-Кутюрэ ялганть шкадо икеле куломанзо коряс.

Всесоюзной Коммунистической (большевиктнень) партиянь Центральной Комитетэсь.

Октябрьнь 10-це чистэ, чокшнев, кулось Французской Коммунистической партиянь ды народной

фронтонь вейке выдающей деятельности, французской парламентэнь депутатэсь, «Юманите» газетань главной редакторэсь Поль Вайян-Кутюрэ.

Французской Коммунистической партиянь политбюрось «Юманите» газетасо сермады:

«Кулось Вайян-Кутюрэ. Сон кулось республиканской Испаниянень лезксэнь максомань коряс эсинэзэ деятельности пек виевстэ молема шкастонть. Сон кулось ее шкастонть, зядро арсесь молема Московов Октябрьской революциянь XX годовщианть праздновамо, конань марто сон ульнесь сколмавозь весе седейсэзэ. Сонэзэ памятезэ кэрми эрямо кшинть кисэ, оля-чинть кисэ ды мирэнь кисэ французской (народонть) действиянзо единствань прокластувовия призывекс».



Саранскоень парткабинетэс организовазь пропагандистской курет. Того товнавница пропагандистэ Саранскоень районэнь велетнева эрицятнень ютксо кармить толковамо кочкамонь од законоть.

СНИМКАСОНТЬ: (кэрш эндо вить снов) И. Тимофеев, А. Зиновьев, Е. Абу-деева, М. Гулина товнавниця «СССР-нь Верховной Советс кочкамотнеде Положениянть».

Фотосъ П. ИВАНОВОНЬ.

Сталин ялганть сехте преданнойтнень кочкасынек советс

Октябрьнь 12-це чистэ Ключаревской вельсоветэнь (Саранскоень район) весе колхозтнэва ютасть митинг, косо кунцолозь СССР-нь ЦИК-нь постановлениязо Верховной Советс кочкамотненень чиденть яволявтомодо.

Кортасть ламо колхозникт ды колхозницат, конат шнасть Сталинской Конституциянь ды кочкамонь од законоть.

— Монень 70 иеть,—корты «Красная зоря» артеленъ колхозникесь Ф. А. Михеев ялгась.—Зядро мон ванан монь эрямонь васынь пельксэнтэ, то сонзэ неяр жуужосто ды страшноистэ, омбоце пельксэнтэ жо—тундонь мазый чикс. Раужось—те инязоронть пингстэ. Тундонь мазый чись—ней,

минек эрямонок.—Михеев ялгась евтнесь седе, кода седикеле ютнать кочкамотне.

— Ней минь, эсинек родинанть Верховной Советс, кочкатано сех достойной ломанть, истят, конат преданнойт минек тегянтень—Сталин ялганть, кона максць минек алкукс уцяскав эрямо, те сон теизе минек эрямонок цветицк,—корты атясь.

Кортасть эшо ламо ялгат. Весе сынгс кортамост—те эсь ине родинанть покш преданность.

Колхозниктне ды колхозницатне максуть обязательства, штооу Октябрьнь XX-це годовщианть вастомс весе паксянь роботатнень прядомасо.

Н.

Толковизь «СССР-нь Верховной Советс кочкамотнеде Положениянть»

Музыкально-драматической училищасо октябрьнь 11-це чистэ, весе отделениянева ды курстнэва толковизь «СССР-нь Верховной

Советс кочкамотнеде Положениянть».

Студентнэ покш паро мельсэ кулсоноть Положениянть эрва статьяноз.

П.

Китайсэ военной действиятне

Октябрьнь 14-це чистэ японской войскактне невесть активность шанхайской фронтонь весе участкенева. Сынесть лездасть танкатне ды бронеавтомобильтне, конат ерсть зыряня сядот бомбат.

Северной китайсэ, Шаньси провинциясонть, китайской войскактне тейсть покш изыавкс Цикоучэнь ошонть маласо, нельгсть японской 22 танкат. Китайской войскактне занизь Майюань ошонть, конась Хэбэй провинциянь северной частьсэнтэ (Шаньси провинциянь границанть эйстэ 15 километрань таркасо). Тяньцзинь-Пу коуской кшинь-кинь районсонть японской войскактне октябрьнь 14-це чистэ занизь Пиньань станциянть, конась ашти Дэчжоу ошонть юго-восток ено 30 километрань таркасо. Бейпин-Ханькоуской кшинь кинь японектнэ занизь Нэйпю станциянть.



Китайсэ тейтерь-аватне примить активной участия японской захватчиктнень каршо туремасонть.
СНИМКАСОНТЬ: Китайской тейтерь-боец пост лангсо (Шанхаень район).

ИСПАНИЯСО ФРОНТНЭВА

Центральной (мадридской) фронтонь республиканской войскактне октябрьнь 14-це чистэ изыавкс фашистнэнь 4 атакат Куэста де Ларейн веленть районсо. Фашистнэ боеень паксянтень кадсть 500 ламо маштозь ды ранязь ломанть.

Мадридской фронтонь главнокомандующеевть Миаха генералонть яволявтоманзо коряс военной действиятне молить республиканской командованиянь плантнэнь коряс. Республиканектнэ 2 чис сайсть пленс 200 мятежниктнэнь солдат.

Республиканской властнень распоряжениясо улить даннойт, конатне кортыть седе, што итальянской командованиясь арси октябрьнь 28-це чистэ теимс наступлениа Мадридэнтэ лангс.

Октябрьнь 14-це чистэ фашистской самолетнэ таго тейсть бомбардировка Валенсиянть лангс.

Чи лисема ено (арагонской) фронтонь Верхней Арагониясонть, республиканской войскактне апак лотксе атаковать провинциянть, сынэ эсикт кедр лангсо кирдить инициативанть, апак ванопокш подкреплениянть лангс, ко-

натнень получакишнэ фашистнэ. Республиканектнэ занязь зыряя велеть.

Арагонской фронтонь покшоль активностезэ октябрьнь 12-це чистэ республиканской авиациянть. Фашистнэ емавтэсть 12 самолетт, конатнень эйстэ кототне прасть республиканской войскактнень территория лангс. Пленс саезь 5 летчиктнэ-итальянектнэ аштить итальянской армиясонть действительной службасо.

Октябрьнь 15-це чистэ, валске марто республиканской авиациянь малав 50 самолет появасть Гарранильоссо мятежниктнэнь аэродромонть вельксэ (Саррагосы провинциясонть). Те аэродромсонть ульмось мятежниктнэнь малав 70 самолетт. Республиканской самолетнэ, аэродромонть велькска ливтнэзэ, леднэзэ фашистской самолетнэнь. Республиканской летчиктнэненень савсь тапамс мятежниктнэнь 30 ламо самолетт ды аэродромсонть теимс виев пожар. Республиканской самолетнэ вадрасто велявсь эсикт базатнес.

Политтонавтнемань кружокт

Мокшэрзянь рабфаконь (Саранск) профкомось организовась аволь союзной од ломантнень (студентнэнь) политтонавтнемань кружокт. Пропагандистэкс аравтозь отличникт-комсомолецт: Трошев, Нестерин, Турин ды лият.

Политтонавтнемань неть кружоктнесэ толковазь «Верховной Советс кочкамотнеде Положениянть». Истя жо товнавтезь Яковлев ялганть докладозо Верховной Советс кочкамотнеде Положениянть.

П. Любаев.

Сборось тусь пионертнэнь мельс

Сентябрянь 12-це чистэ Чамзинкань средней школань пионерской 6-це отрядсонть ульнесь пионерской сбор. Сборсонть географиянь преподавателесь В. И. Кочкуров пионертнэненень евтнэзе весе сень, кода икеле молись бороцямось северной полюсонть завоеваниянзо кис ды кода сонзэ завоевали минек родинань геройне-летчиктнэ.

Сборось молись вейке час, сон пек тусь кунсолыцятнень мельс.

И. Симдянов.

Советс кочкатано партиянтень преданной ломанть

Чамзинкань район. Пянгилей велень учительтне ветить культурно-массовой работа колхозниктнэнь ютксо. Те теветнень сынгс таргинзе вельсоветэсь.

Сынэ толковизь СССР-нь Верховной Советс кочкамотнеде Положениянтькак. Пянгилей велень колхозниктнэ, весе трудиятне покш мельсэ учить кочкамотнень чинть самонзо. Колхозниктнэнь,

трудиятнень мелест истямо, штобу минек масторонь Верховной Советс кочкамс истят ломанть, конат педепев преданнойт Ленинань—Сталинэнь партиянтень, советской властентень.

М. ф. Четвергова.

Ответ. редакторэсь
И. ТЮРЬКИН.